

Vågå Historielag: Årsmelding 2019

Arrangement

Historielaget har hatt fleire foredrag / kveldsseto i Jutulheimen, mange av arrangementa har vore i samarbeid med andre. Ola Grøsland prata om Kristian Mo. Ivar Teigum sette den eigentlege Johannes Blossom inn i historia på 1600-talet. Ellers har det vore ljosbildekåseri om alle husa som historielaget eig, samt jubileumsmarkering med gjennomgang av historia i 90 år. I samband med sommarens store treskjærarutstilling i Jutulheimen prata Hans Jacob Dahl om skulptøren Magnus Berg. Seinare prata Kari Aasgaard og Eirik Haugen om treskjæring ut frå erfaringane frå utstillinga. Kristin Akslen Hagen trekte fram godbitar frå arkivet, med bl.a. bilder, musikk og filmopptak. Vågå historielag var vertsskap for årsmøte og feiring av at Gudbrandsdal historielag Dølaringen var 100 år. På hausten vart årbok for Gudbrandsdalen lansert og Ivar Teigum tok for seg det lokalhistoriske arbeidet i Gudbrandsdalen i 100 år.

Historielaget har hatt fleire arrangement utanom Jutulheimen også. Bårstad og gruvegangane var tema på kveldsseto på Lalm samfunnshus, seinare var det vandring på Bårstad med kjentmann Jakob Kleiven. Vågåsommaren 125 år og Kristen Holbø 150 år vart markert på Gålen ved nedre Sjådalen der Anne og Inger Holbø fortalte. Gjennom sommaren og hausten var det utstilling i Ullinsvin der samlinga av Kristen Holbø-måleri var sentral. I samband med utstilling i Ullinsvin hadde Torveig Dahl foredrag om stas-sleder, ferdaskrin og reisekister. Historielaget arrangerte kranselag for handverkarane som sette opp magasin- og utstillingsbygg i Ullinsvin. Stein Havn Karlsen tok imot historielaget i Olufhuset på Havn og i milorghytta Reiret.

Jutulheimen

Det er Gudbrandsdalsmusea as som står for drifta av Jutulheimen. Vågå Historielag er aksjeeigar i Gudbrandsdalsmusea as og er aktivt med i planlegging og drøfting av vedlikehald, drift og utstillingar. Oppføring av scenehuset er fullført med beitskier og laftsteinar.

Prestgarden

Delar av hovudbygningen er utleidt til husflidslaget som har stor aktivitet der. Historielaget har fått utarbeidd farge- og bygnings-historiske undersøkjingar med plan for vedlikehald av hovudbygningen. Det har i året vore vedlikehald av paktarbustaden, huset har vore brukt til kafe. Låven og fjøset har vore opprusta og har vore brukt ved utstillingar. Kommunen har prosjektleiar for å få til aktivitet i prestgarden, historielaget har delteke i utviklingsarbeidet. Kommunen har stifta eit nytt aksjeselskap Ullinsvin drift AS som skal få til utstillingar m.m., historielaget og husflidslaget har mindre eigardelar. Det er Ullinsvin drift AS som har stått for drift av galleri og kafe.

Prestgardshågein

Hagegruppa i historielaget er organisert slik at ansvar for stell, luking, vatning mm. er fordelt for kvar veke. Også plenklipping samt raking og rydding både i hagen og på tunet er utført på dugnad. Det har vore omvisning av mange grupper denne sommaren. Kari Hølmo Holen (leiar), Magnhild Råstad og Livø Hosar har leiinga av hagegruppa. I juni var det avduking av Ole Bull-statuetten i hagen i Ullinsvin.

Ullinsvin AS

Det heileigde selskapet Ullinsvin AS står for utbyggjing og eigarskap av nybygg i prestgarden. Kjellaren husar museumsmagasin og arkiv. Oppe på dette vart det bygd utstillingsrom og toalett. Galleri Ullinsvin vart opna av Kronprins Haakon og Kronprinsesse Mette Marit. Stor gavé frå sveitsisk norgesvenn gjorde byggjinga mogleg, det er også tilskot frå Sparebank 1 Lom og Skjåk, fylkeskommunen, regionrådet, Stiftelsen UNI og gaveforsterkings-middel frå kulturdepartementet. Gudbrandsdalsmusea AS skal stå for drift av magasinet. Ullinsvin AS har same styre som historielaget.



Laget elles

Frå årsmøtet 13. mars 2019 har styre vore dette:

styreleiar Knut Raastad, nestleiar Dag Aasheim, styremedlemmar Rønnaug Siem Hammer, Even Lusæter og Steinar Løkken, varamedlemmar Elin Grev, Ola Stokstad og Jens Hagen. Det har i året vore 12 styremøter, og varamedlemmane møter på lik line med styremedlemmane. Laget har 425 medlemmar.

Revisorar er Astrid Sandbu og Gunnar Sandbo.

Valnemnd er Anne Silje Berg, Anne Grøsland og Jonny Brenden.

Trond Ole Haug er styremedlem i Gudbrandsdalsmusea as.

Jens Hagen er styremedlem i Ullinsvin drift AS.

Historielaget er medlem i Gudbrandsdal historielag Dølaringen, Ola Grøsland er styremedlem og Knut Raastad er revisor.

Nils Valde styrer heimesida vaagaa-historielag.org og skannar og legg ut innsamla gamle biletar. På heimesida er det ei mappe med gards- og slektshistorie. Arbeidet med seterhistorie held fram.

God oppslutning om frivillige medlemspengar gjer utgjeving av årsskriftet Jutulen mogleg med utsending til alle medlemmane, i tillegg er skriftet utlagt for salg. Historielaget kostar pynting av gravene til Ivar Kleiven, Trond Eklestuen og Jo Gjende.

Pulløybua er bortleigd som anneks til nabohytta. Nordheradsprosjektet disponerer Flåten.

Buene ved Gjendeosen har ved fleire høve vore framvist for turistar. Buene vil kunne lånast ut til historielags-medlemmar. I desember vart kulturprisen for Vågå kommune utdelt til Vågå historielag. Styret takkar samarbeidspartar og medlemmar i laget for god hjelp og støtte i året 2019.